

que no pagnen portadgo los q se rescatan cabeça por cabeça  
y confirma el privilegio q se anquea de por tado a lorca

30

**E**ste es traslado bien e fielmente sacado de una carta q el muy alto e  
muy noble señor Rey don Alfonso agora regnate dio al Conceio de  
Lorca sellada con el su seello de cera colgado. la qual dize assí:—  
**S**epan qntos esta carta vieren Como yo don Alfonso por la gra de dios  
Rey de Castilla de Toledo de Leon de Gallizia de Seuilla de Cordo  
ua de Murcia de Jabn del Algarb e señor de Molina. Con consejo e cooto  
rgamiento dela Reyna dona Costança my madre e del Justante don John  
myo tio e myo tutor e guarda de mys regnos. por que John Alfonso e  
ssante de mora mandaderos del Conceio de Lorca me dixerun q auyan de pri  
uilegio del Noble Rey don Alfonso my visauuelo q parayso aya q qnto los  
vezanos moradores en Lorca catua en tija de moros. e q salian cabeça por  
cabeça por moros catuos q non deuan pagar portadgo e q los Almozerites  
q recaban y las mys rentas q los embargan. por q dizen q en el privilegio no  
dize diezmo e q esto nunca fue vso ny costumbre deles tomar ny deles demadar  
nyngua cosa por tal rason. Por q mando e tengo por bien q pues por p  
uilegio quel Noble Rey don Alfonso my visauuelo les dio. que los qra el  
portadgo e nunca fue vso de lo pagar fasta q qles no demaden nyngua cosa  
por esta rason. Et assi me dixerun en como el dicho Rey don Alfonso les fi  
zo merced en q mando q quando el catuo xpiano q yaze en tija de moros ffa  
llasse moro catuo por q podiesse salir cabeça por cabeça q podiesse auer el  
moro del señor q lo tiene e lo compro dandol el tercio mas de qnto lo compro  
en el almoneda e las misiones q auya fecho del gouerno. E agora que ay  
algunos oms que tienen los moros catuos e q los demandan los parientes  
e amigos del xpiano catuo a compra segund q el dicho Rey don Alfonso  
lo mando de q tenedes ende su carta e que lo no pueden auer e mas q los  
q tienen a los moros como estos qnto laben q los demandan. que los fazen  
uendellos a alguno de sus amigos por mucho mas precio de qnto lo compro

teas  
gu  
nada  
moro

